



partii naleraq

Nuuk, oktobarip 9-t 2017.

UKA 2017/111

**Imaanut inatsisip allannguutai pillugit inatsisit kunngikkormiunit peqqussuteqartoqarne-
ratigut Kalaallit Nunaannut atuuttussanngortitsinissaat pillugit Namminersorlutik Oqar-
tussat oqaaseqaateqarnissaannik Inatsisartut aalajangiiffigisassa**

(Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalak-
kersuisoq)

Una Kunngikkormiut peqqussutaat tunngavigalugu imaanut inatsisip allannguutai arlallit pillugit aalajangiiffigisassatut siunnersuut, partii naleqqamiit, Naalagaaffinngoriartoraarnitta aqqani, imatut oqaaseqarfigissavarput.

Siullermik pingaaruteqarluinnartutut erseqqissaatigilarput, soorlu ukioq manna silaannartatsinnut akisussaanerup nunatsinniilernissaa amerlanerussuteqarluartut taperserlugu inatsisartuni aalajangiiffigereeripput aamma taamatut imartatsinnik akisussaaffiup nunatsinniilernissaa aqputissiuunnissaanut pingaartitsilluinnartuugatta. Tamannali angutserlugu imaani angalanerup upalungaarsimanikkut qaffasinnerpaanissaa pingaartikkatsigu pissutsinut ineriartornermullu naleqqussartuassuugut.

Uanilu peqqussummi allannguutissat 15-t pingaarutillit, tasanilu immikkut pingaarnertut taaneqarput akisussaanerum sillimmasiisarnermullu tunngasut, pineqarput, nunatsinnullu naleqqussarsimananerut assigiinngissutaat tallimaasut, EU-mut attuumassutillit, aamma nassuiaassutigineqarlutik. Kingullermillu 2004-mi nutarterneqarnikummat piffissanngorsimavoq pisariaqalerlunilu nutarternissaa – ullutsinnut naleqqussarnissaa.

Naggasinngilaata manna periarfissaq iluatsillugu tungitsinniit apeqqutigerusupparput UKA16-mi immikkoortoq 135-ngorlugu inatsisartut aalajangiiffiginikuusaat, umiartortunik atorfinititsisarnermut tunngasup suliap sumut killinnera.



partii naleraq

Tamakku tamaasa qularinngilarput ataatsimiititaliami sukumiisumik suliarineqariarlutik inatsisartunut aappassaaneerneqannginnerminni isumaliutissiissutitigut akuerineqarsinnaaneri aqqutissiuunneqarumaartut. Taamaattumik siunnersuutip aappassaaneerneqannginnerani ataatsimiititaliamut sassaqartumut innersuukkusupparput.

Qujanaq

Per Rosing-Petersen